



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

ZL.Anr.352/2017

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Gyltene Sylejmani kryesuese, Ymer Hoxha dhe Adnan Konushevcu anëtar, me pjesëmarrjen e Zyrtares Ligjore Fitore Isufi, duke vendosur përkitazi me apelin e kandidatit për anëtarë të Kuvendit Komunal, në Skenderaj, Imer Koca, nga subjekti politik AAK, me seli në Prishtinë, dega në Skenderaj, paraqitur kundër KQZ-së, për shkak të certifikimit të listës së kandidatëve me numër të gabuar, për Zgjedhjet Lokale të datës 22.10.2017, në seancën e panelit të mbajtur me 25.10.2017, mori këtë:

V E N D I M

Hidhet si e pas afatshme apeli i kandidatit për anëtarë të Kuvendit Komunal, në Skenderaj, Imer Koca, kandidat për anëtar të Kuvendit Komunal në Skenderaj, nga subjekti politik AAK, me seli në Prishtinë, dega në Skenderaj, ZL.A.nr.352/2017, e paraqitur me datë 23.10.2017, kundër KQZ-së, për shkak të certifikimit të listës së kandidatëve me numër të gabuar, për Zgjedhjet Lokale të datës 22.10.2017.

A r s y e t i m

Me datën 23.10.2017, PZAP-i ka pranuar një apel, nga kandidati për anëtarë të Kuvendit Komunal, në Skenderaj, Imer Koca, nga subjekti politik AAK, me seli në Prishtinë, dega në Skenderaj, me të cilën pretendon se në KKZ ka figuruar me numër 13 dhe me të njëjtin numër ka bërë fushatë, ndërsa në KQZ figuron me numër 12. Më tej ka kërkuar që ti njihen votat me numër 13 dhe të rishikohet lista e KKZ-së në Skenderaj.

Subjekti politik AAK në përgjigje në ankesë, deklaroi me përgjegjësi të plotë se gabimi i bërë në radhitjen me numra të kandidatëve të AAK-së në Komunën e Skenderajt për kandidatët për anëtarë të Kuvendit Komunal është në përgjegjësinë e plotë të administratës së KQZ-së. Më tej pretendon se anëtarët e KKZ-së në Komunën e Skenderajt është dashur ti njoftojnë kandidatët e kësaj Komune për çfarëdo ndryshimi në listat zgjedhore, sepse ka mos përputhje në mes të listës së KKZ Skenderaj, dhe listës së KQZ-së edhe mospërputhja me listën e publikuar në WEB faqen e KQZ-së.

KQZ në përgjigjen në apel pretendon se ankesa e Imer Koca është e pa bazuar sepse listat e kandidatëve për certifikim dorëzohen në zyrë nga zyrtari i autorizuar nga kryetari i subjektit politik i cili e nënshkruan atë listë si dhe e njëjta dorëzohet edhe në formë elektronike. Më tej KQZ thekson se lëvizja e numrit të kandidatit prej numrit 13 në numrin 12, është bërë me kërkesën e personit të autorizuar të subjektit politik AAK, që kandidati me numër 7 të decertifikohet, dhe për këtë arsye KQZ ka marrë vendim me nr. 1695/2017 të datës 16.09.2017. Po ashtu thekson se çdo subjekt politik i certifikuar, mund të tërhiqet nga procesi zgjedhor duke i dorëzuar KQZ-së njoftim me shkrim jo më vonë se dy ditë të punës para datës së caktuar për tërheqje të shortit për zgjedhje, si dhe të gjitha

kërkesat për të tërhequr një kandidat të certifikuar nga zgjedhjet i dorëzohen KQZ-së. Më tej ka theksuar se KQZ nuk merr vendim për caktimin e numrave të kandidatëve të subjekteve politike. Me propozim që ankesa të refuzohet si e pabazuar.

Paneli pas shqyrtimit të afatshmërisë, gjeti se:

Apeli është i pasafatshëm.

Paneli pas shqyrtimit paraprak të apelit, ka gjetur se apeli i parashtruar nga Imer Koca, kandidat për anëtarë të Kuvendit Komunal në Skenderaj, nga subjektit politik AAK, kundër KQZ-së, është parashtruar pas afatit ligjor të përcaktuar me dispozitën 122 par.1 të LZP-së, ku përcaktohet: *“Personi fizik ose juridik, të drejtat ligjore të të cilit janë prekur nga cilat do vendime të KQZ-së, mund të apelojë atë vendim në PZAP brenda (24) orëve”*. Nga shkresat e lëndës del se me datën 16.09.2017 është bërë decertifikimi i kandidatit me numër 7 i subjektit politik AAK, sipas kësaj liste emri i anëtarit të Kuvendit Komunal, Imer Koca nga radhët e subjektit politik AAK, me seli në Prishtinë, dega në Skënderaj, ka qenë me numër 13 dhe me të njëjtin numër ka bërë fushatë. Me kërkesën e personit të autorizuar të subjektit politik AAK, është bërë ndryshimi i listës, ashtu që një kandidat me numër 7, është tërhequr dhe si pasojë e kësaj ka ardh edhe deri te ndryshimi i listës së decertifikuar, në rastin konkret edhe i parashtruesit të ankesës Imer Koca, nga radhët e subjektit politik AAK, dega në Skënderaj. Sipas këtij ndryshimi kandidati në fjalë, nga numri rendor 13 është kategorizuar në numrin rendor 12. KQZ-ja vendimin mbi ndryshimin e listës së subjektit politik AAK, me seli në Prishtinë, dega në Skënderaj, e ka publikuar në WEB faqe, me datën 25.09.2017. Në bazë të dispozitës së nenit 122.1 të LZP-së, afati për ankesë kundër vendimit të KQZ-së ka qenë 24 (njëzetekatër) orë pas publikimit të vendimit të KQZ-së. Apeli në PZAP është paraqitur me datën 23.10.2017, çka do të thotë se apeli është parashtruar pas afatit të përcaktuar me dispozitën Ligjore të nenit 122 pa.1 të LZP-së, konkretisht pas 28 (njëzetetë) ditëve

Duke u nisur nga arsyet e theksuara me lartë ne kuptim të nenit 115.1 dhe 122.1 të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa

ZL.A.nr. 352/2017 më datën 25.10.2017



Kryesuesja e Panelit

Gyltene Sylejmani

Këshillë Juridike: PZAP nuk do t'i pranojë kërkesat për ri-apelim, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i.